



DUK!

“KA BU TOKA”

AUTOR: CEZALTA BARBOSA CA’

ILUSTRASON: SHELL BOOKS






**I temba un bagera ku mora na
kumere. I purpara si kau tudu i
kaba, i bai buska flor pa bin forma si
mel.**




Un dia, I sai pa utru ladu i bai kontra ku si Kumpañoeris magadel. Nton, I fala elis: “No bai pa ña kasa ku sta na utru ladu, pa no bai fika la.” I temba dus ermon ku bai pertu di elis e na jubu elis kuma ke na tira flor di polon.



I temba dus xefis di bagera ku fika na kasa son pa kume, tambi pui ovu oladu di ki mel ku transforma ja. E ta bota mas di ki 200 ovu na un dia. Bagera ta tene son 45 dias di vida. So reiña ku ta vivi 5 anos. E ta kumpul un kau pa padi utru reiña.




**I fala si kumpaÑer: “No na ranja al-
gin ku na bisianu li ora ku esis bai
no ta fika ku el, pabia no ka sibi
kal dia ku Omis na bin kainu gera
li.”**




**Un dia, un rapasiñu na pasa pertu di
ki kasa, ma i mistiba sibi ke ku ten la.
Logu ki bagera macu sai parel. I pupa
ku forza: “Ai, Ai” i kuri, pabia ki
bagera macu ta fercau i busi, I ka ta fi-
ka fidida na bo suma ki femia.**




I temba tris mininus ku bai pasia na ki ladu, e toma un po e fidi na ki kasa, e bati elis un parti. Tudu ki utrus ku bai-ba e bin tudu e N vadi elis e grita: “Ai sakur ña ermon ka pudi kuri.” ki se kolega kuri i bai, ki utru ka pudi kuri pabia bageras fercal te na kacas.




**I ten un Omi ku bai sakura elis la, i tira
elis i leba pa ospital. Utru Omi pega
un tumbuleti l pasa ku el la, e vira tras
di ki Omi pa un arvuri ku staba pertu
di elis.**



**Ki mininu ciga ospital, sol mansi
son i muri pabia rostu tudu inca,
bagera fercal te na kacas.**




**Si ermon ka muri ma sta mal
tambe. No pudi oja prigu di bagera
i ta mata, i ta forma mel, ma i piri-
gosu. Si bu oja si kumu ka bu ciga
pertu. Pabia si un son fercau, i ta
cera, kil utrus tudu na bin.**



**Oca ke forma mel na manga di
kaus, bagera padi, padi mangadel,
e ciu na ki ladu mal, ningin kata
pasa la.**




**Nton, joven di kumere purpara pa
elis e fala: “No na toka no tambur
ku Bumbulum, pa tudu joven bin,
no maskra no bai pa bagera no bai
tira mel no bindi, pa no rosolvi no
purblema di juventudi.”**



**Un son, jopoti, i jopoti i bai sindi
fugu pertu. I pui flor di palmera ku
bagus di ceben.**



**Fumu tudu lanta, bu si kuma
bagera ka osa fumu. Kilis ku
maskra, kada kin pega un paju di
fugu na mon, e bai pa kada kumu.
E tira mel mangadel. Na ki noiti, e
oca 50 litru di mel.**



**E kontenti, e toma se mel, e lebal
pa tabanka, noba kumsa sai pa
tudu ladu di tabanka di kuma, e
tene mel puru di bindi.**